

आकाशवाणी

खबरां ----

1. प्रधानमंत्री नरेंद्र मोदी होरें एनसीसी कैडटें दी सलाना रैली च शिरकत कीती। उनें आखेआ जे भारतीय नौजवान समूलची दुनिया दी भलाई-बेहतरी लेई इक प्रमुख ताकत ना।
2. उत्तराखंड समान नागरिक संहिता-यूसीसी लागू करने आहला पैहला राज्य बनी गेआ ऐ।
3. खजना मंत्री निर्मला सीतारमण होर पैहली फरवरी 2025-26 बरे लेई बजट पेश करडन।
4. सूचना ते प्रसारण मंत्री अश्विनी वैशणव ते संस्कृति मंत्री होरें अज्ज वेक्स बजार, वाह उस्ताद चैलेंज ते वेक्स अवाडर्स दी शुरूआत कीती।
5. प्रधानमंत्री मोदी होर कल देहरादून च 38मीं राष्ट्रीय खेड्डें दा उद्घाटन करंगन।
6. जस्प्रीत बुमराह नै आई.सी.सी Men's test cricketer of the year अवार्ड जित्तेआ ऐ।

PM NCC Rally

प्रधानमंत्री नरेंद्र मोदी होरें अज्ज संझा नमीं दिल्ली दे करियप्पा परेड ग्राउंड च आयोजित एनसीसी कैडेटें दी सलाना रैली च हिस्सा लैता। इस मौके अपने संबोधनै च उनें आखेआ जे अज्ज स्हाडे इत्थें 18 मित्तर मुलखें दे कोई डेड सौ कैडेट ब मजूद न जिंदा भारत दिल खोलियै सोआगत करदा ऐ। उनें आखेआ जे गणतंत्र दिवस परेड लेई चुनेआ जाना अपने आपै च इक्क बड्डी उपलब्धि ऐ ते इस बरे कीजे स्हाडे गणतंत्र नै 75 बरे पूरे कीते न तां एहिदयां यादां लम्में समें तगर तुंदे सभ्भनें कन्नै जुडी दियां रौहंडन। प्रधानमंत्री होरें आखेआ जे 75एं बरें दे गणतंत्र च भारत दे संविधान नै हर समें देशै गी लोकतांत्रिक प्रेरणा दित्ती ते नागरिकें गी उन्दे फर्ज ते जिम्मेदारी दा महत्व बी समझाया। एनसीसी दा जिक्र करदे होई उनें आखेआ जे एहू नौजवानें गी राष्ट्र निर्माण दी प्रेरणा देने ते नौजवानें गी अनुशासन सिखाने आहला इक्क महत्वपूर्ण मंच ऐ। उनें अग्गे आखेआ जे भारतीय युवा शडा भारत गै नेई सगुआं 'फोर्स फॉर ग्लोबल गुड' यानि पूरी दुनिया दी बेहतरी लेई इक्क शक्ति ऐ। उनें इस गल्ला पर संदोख प्रगट कीता जे पिछले दस्सें बरें दौरान भारत च नौजवानें सामने औने आहली हर रूकावट गी दूर करने दा कम्म कीता ऐ। एहदे नै नौजवानें दे कन्नो-कन्नी भारत दी समर्थ च बी बाद्दा होआ ऐ। वन नेशन वन इलेक्शन दा जिक्र करदे होई मोदी होरें आखेआ जे देशै च लोक अपने विचार रक्खा करदे न ते में नौजवानें अग्गे अपील करना जे इस चर्चा गी अगडे बदांदे होई बद्द कोला बद्द गिनतरी च एहदे च हिस्सा लैन कीजे एहू विषे तुंदे भविक्ख कन्नै जुडे दा ऐ। मोदी होरें आखेआ जे आजादी दे बाद काफी असें तगर लोकसभा ते विधानसभा दे चुनां किट्टे होंदे रेय, पर मगरा एहू सिलसिला त्रुट्टी गेआ जेदे कारण देसै गी मता नुकसान ठोआना पेआ ऐ। उनें आखेआ जे हर चुनां च मतदाता सूचिएं गी अपडेट कीता जंदा ऐ ते इत्त सरबंधी होर बी

मते सारे कम्म होंदे न जिंदे लेई आम तौरा पर स्हाडे टीचरें दी ड्यूटी लगदी ऐ जेदे कारण बच्चें दी पढाई दा बडा मता नुकसान हुंदा ऐ।

<><><><><><>

UCC-Uttarakhand

उत्तराखंड च अज्ज समान नागरिक संहिता-यूसीसी लागू होई गेआ ऐ। एहू लागू करने आहला उत्तराखंड देश दा पैहला राज्य बनी गेआ ऐ। एहदा मकसद सब्बनें नागरिकें आस्तै इकक बरोबर अधिकार ते जिम्मेवारियां यकीनी बनाइयां जांगना। राज्य मंत्रिमंडल नै हाल च गै यूसीसी दे लागू करने लेई नियमें गी मंजूरी दित्ती ही ते उत्थूं दे मुखमंत्री होरें गी इसी लागू करने दी तरीक पक्की करने लेई अधिकृत कीता हा। मुखमंत्री होरें आखेआ जे यूसीसी लागू होने कन्नै समाज च इक्क-रूपता औग ते ब्याह, तलाक, विरासती अधिकारी, जमीं जायदाद दे अधिकारें सने निजी ते व्यक्तिगत मामलें च बी इक्क नागरिक उप्पर इक्कै जनेह नियम लागू होंगन ते कुसै कन्नै बी धर्म, जाति जां कुसै होर लिहाज कन्नै कोई फर्कोफर्की नेई रौहगा।

<><><><><><>

Delhi-Elections

आम आदमी पार्टी दे संयोजक अरविंद केजरीवाल होरें अज्ज पार्टी दा घोषणा पत्र जारी कीता। एहदे च दिल्ली चुनाएं थमां पैहले कीते दे लोकें आस्तै 15 गरंटियें दी घोषणा कीती गेई। अज्ज नमीं दिल्ली च मीडिया कन्नै गल्ल करदे होइ, केजरीवाल होरें आश्वासन दिता जे जेकर ओहू सत्ता च औंदे न ते एहू 15 गरंटियां ओहू पूरियां करंगना। इंदे च

रोजगार दे अवसर, चिकित्सक सेवाएं आस्तै संजीवनी स्कीम, पानी दे पराने बिल माफ करने ते हर महिला गी हर महीने 2100 रपे देने समेत होर गरंटियां बी शामिल ना। उनें बीजेपी ते कांग्रेस गी दिल्ली दे लोकें कन्नै झूठे वादे करने दा बी आरोप लाया। तोआई बीजेपी नै आम आदमी पार्टी दे उप्पर दलित विरोधी पार्टी होने दा आरोप लाया ऐ। इक्क प्रेस कांफ्रेंस च बीजेपी दे वरिष्ठ नेता संबित पात्रा होरें पेजाब दे अमृतसर च डॉ. भीमराव अम्बेडकर हुंदी मूर्ति तोड़िए उंदी प्रतिमा गी ठेस पजाने दा बी आरोप लाया ऐ। उनें इसी शर्मनाक आखदे होई आखेआ जे एहू घटना राजय च मौजूदा कनून बवस्था दी स्थिति गी बदशादी ऐ। श्री पात्रा होरें अरविंद केजरीवाल होरें गी माफी मंग्गने आस्तै बी आखेआ।

<><><><><><>

I&B Minister

सूचना ते प्रसारण मंत्री अश्विनी वैशणव होर ते संस्कृति दे केंद्री मंत्री गेंद्र सिंह शेखावत होर अज्ज Waves बाजार WAH उस्ताद चैलेंज ते Waves अवाडर्स दा नमीं दिल्ली च करंगना। वैशणव होरें अपने संबोधन च आखेआ जे भारत गी अपनी विरासत, समृद्ध संस्कृति ते कथा वाचन करी पूरी दुनिया च मन्नेआ गेदा ऐ ते तौलें गै स्हाढा मुल्ख रचनात्मक अर्थ बवस्था बनोग। इस मौके पर बोलदे होई संस्कृति दे केंद्री मंत्री होरें आखेआ जे भारत कथावाचकें दी भूमि ऐ ते अज्ज जिनें पैहलकदमियें गी लांच कीता गेआ ऐ, इंदे कन्नै भारत दी साफ्ट पावर बाकी दुनिया अग्गे प्रदर्शित होग। सूचना ते प्रसार विभाग दे सचिव संजय जाजू होरें आखेआ जे वेक्स बजार इस बदलाव आनने आहली पेहलकदमी ऐ, जेडी मीडिया सरबन्धी सामग्री दे खरीददारें ते बेचने आहलें गी इकट्ठा करोग।



Budget

केंद्री वित्तय मंत्री निर्मला सीतारमण होर अगले म्हीने दी पैहली तरीक गी 2025-26 दा केंद्री बजट पेश करंगन। औने आहला बजट घरेलू ते वैश्विक मुकाबलें गी नबेडने लेई सरकार दी आर्थिक प्राथमिकताएं ते रणनीति बारै दस्सोग। माहिरें ते आम लोकें गी इस बारी मेद ऐ जे सरकार आर्थिक बढोत्तरी, रोजगार बदाने दे असर ते ढांचागत विकास उप्पर लोहू पाग। आकाशवाणी खबरां औने आहले बजट गी ध्यान च रखदे होई माहिरें ते आम लोकें दी मेदें गी जाहर करने आस्तै इक्क श्रृंखला शुरू करने जा रदी ऐ। आकाशवाणी खबरें कन्नै गल्ल करदे होई राई-बाई स्टार्ट अप दे संस्थापक युसफ रफीक होरें औने आहले बजट गी लेइयै अपनी मेदां जाहिर कीतियां। उनें गलाया जे सरकार गी जैविक कृषि उत्पादें दे प्रमाणीकरण उप्पर लोs पानी लोडचदी।



Mahakumbh

उत्तर प्रदेश दी सरकारै प्रयागराज च महाकुम्भ आहले पूरे इलाके गी अज्जै थमां गड्डिणं दा रैहत इलाका घोषित करी दित्ता ऐ। एहू फैसला 29 जनवरी गी मौनी मस्या दे मौके उप्पर होने आहली बड़ी भारी भीड़ दे बवस्थित प्रबंधन आस्तै लैता गेआ ऐ। संगठित नियंत्रण ते कमान केंद्र गी भीड़ पर नजर रक्खने ते संगम पर बड़ी बद्ध गिनतरी च श्रद्धालुणं दे जुटने पर नियंत्रण आस्तै सक्रिय करी दित्ता गेआ ऐ। कुसै आपात स्थिति कन्नै निब्वडने आस्तै बड़ी मती भीड़ आहले इलाकें च तुरत कार्रवाई दल तैनात कीते गे'न।



HM-Holy Dip

केंद्री मंत्री अमित शाह होरें अजज महाकुम्भ प्रयागराज च गंगा, यमुना ते सरस्वती नदियें दे त्रिवेणी संगम च पवित्तर चलोबी लाई। इस मौके पर केंद्री मंत्री हुंदे कन्नै उत्तर प्रदेश दे मुखमंत्री योगी आदित्यनाथ ते केई संतें बी त्रिवेणी संगम च पवित्तर चलोबी लाई।



PM-Odisa

प्रधानमंत्री नरेंद्र मोदी होर कल भुवनेश्वर दे जनता मैदान च उत्कर्ष उड़ीसा मेक इन उड़ीसा सम्मेलन दा उद्घाट करंगन। इस कार्यक्रम च 20एं बाहरलें मुखें दे प्रतिनिधिएं समेत 7500 प्रतिनिधि शामिल होंगन ते एह सम्मेलन 2 दिनें तोड़ी चलोग। उड़ीसा इस विशाल उद्योग सम्मेलन दी मेजबानी करने आस्तै पूरी चाल्ली तैयार ऐ। एह सम्मेलन ऐतिहासिक मन्नेआ जाह्ग ते एह मुखें दी अर्थ बवस्था च करसानें ते मजदूरें आस्तै कई अवसर पैदा करोग। इस सम्मेलन च 100 थमां बी मते MOU's साइन होंगन जिंदे च 3.50 लख लोकें गी रोजगार देने दी मेद ऐ।



USA-foreign Aid

अमरीका नै बाकियें मुखें लेई कीते जाने आहली विदेशी मदाद गी रोक लाई ते इनें मुखें लेई कीती गेदी माली मदाद दा निरीक्षण करने आस्तै बी आखेआ। एह गैंड अमरीका दे पैहले एजेंडे दे तैहत उत्थूं दी कुशल विदेश नीति गी सुनिश्चित करने आस्तै उत्थूं दे राष्ट्रपति डोनाल्ड ट्रम्प हुंदे राएं कार्यकारी आदेश जारी करने मगरा पुट्टी गेई। उत्थूं दे

राज्य प्रवक्ता टैमी ब्रूस होंरें साफ आखेआ ऐ जे राष्ट्रपति ट्रम्प हुंदे मताबक हुन अमरीका बाकिं मुलखें गी उस्सलै तोड़ी अन्नेवाह पैसे बंडुनें आहला नेई ऐ, जदूं तगर होर मुलख बी अमरीकी लोकें आस्तै माली मदाद नेई करंगन। 2023 च USAID नै 158 मुलखें गी तकरीबन 45 बिलियन डालर दी मदाद कीती ऐ।

<><><><><><>

PM-National-Games

प्रधानमंत्री नरेंद्र मोदी होर कल उत्तराखंड दे देहरादून च महाराणा प्रताप स्टेडियम च 38मीं राष्ट्रीय खेड्णें दा उद्घाटन करंगन जेहड़ियां 14 फरवरी तगर जारी रौहंगन। राष्ट्रीय खेड्णें दा आयोजन रियासत दे 8 जिलें दे 11 शैहरें च होने दा प्रस्ताव ऐ। उत्तराखंड च 35 बक्ख-बक्ख खेड्णें दे 47 आयोजन कीते जाने ना। उद्घाटन समारोह लेई केंद्री मंत्रियें भारतीय ओलंपिक संघ ते राष्ट्रीय खडारी आवा रदे ना। एहदी पछोक्कडै च भारती ओलंपिक संघ दियां अध्यक्ष पी.टी उषा हुंदा अज्ज देहरादून हवाई अड्डे पर राज्य दियां खेड्णें मंत्री रेखा आर्या हुंदे आसेआ सोआगत कीता गेआ।

<><><><><><>

ICC

भारत दे तेज गेंदबाज च अगुआ जसप्रीत बुमराह होंरें गी 2024 च उन्दे शानदार प्रदर्शन आस्तै आईसीसी ICC Men's test crickter of the year दे अवार्ड दा विजेता घोषित कीता गेआ ऐ। बुमराह होंरें 2024 च 13एं मैचें च 357 ओवरें च 71 विकटां लैतियां।

अपनी उल्लेखनीय भूमिका करी मन्ने गेदे बुमराह होरें भारत गी ओडीआई वर्ल्ड कप ते टैस्ट मैचें दी श्रृंखला च जताने च बड़ी गै अहम भूमिका निभाई ऐ।



U-19 Women T-20

आईसीसी अंडर-19 महिला टी-20 क्रिकेट विश्व कप च भारत नै सैमीफाइनल च अपनी थाह पक्की करी लैती ऐ। कल कुआलालंपोर च बंगलादेश नै 8एं विकटें दे नुकसान पर 64 रंज बनाए जेह्दे परते च भारत नै छडे 7एं ओवर ते 1 गेंद खेडियै मैच जिती लैता। तृशा नै 21 गेंदे च 8 चौके दी मदद कन्नै 40 रंज बनाए। कल फाइनल सुपर सिक्स मैच च भारत दा मकाबला स्काटलैंड कन्नै होग।



Public Speech

आकाशवाणी दा समाचार सेवा प्रभाग साप्तिहिक कार्जक्रम पब्लिक स्पीच च अज्ज रातीं साड्डे 9 बजे विद्यार्थियों में परीक्षा सरबन्धी तनाव से निपटना विषय पर परिचर्चा प्रसारित करोग। केंद्री माध्यमिक शिक्षा बोर्ड दी संयुक्त सचिव डॉ. श्वेता अरोडा ते अखिल भारती आयुर्विज्ञान संस्थान-एम्स दे मनो चिकित्सा विभाग दे प्रोफेसर डॉ. राजेश सागर परिचर्चा आस्तै स्टूडियो च मौजूद रौहंगना। माहिरें थमां तनाव दे कारणें, उन्दे थमां उभरने दे तरीकें ते परीक्षा दौरान मानसिक स्वास्थ्य बनाए रखने सरबन्धित सवाल पुच्छे जाई सकदे ना। श्रोता, टेलीफोन नंबर 011-23421050 ते 011-23314444 पर फोन करियै सवाल पुच्छी सकदे ना। वट्सऐप नंबर 92-89-09-40-44 पर ते हैशटैग

आस्क ए.आई.आर दे कन्नै सोशल मीडिया साइट एक्स पर बी सवाल पोस्ट कीते जाई सकदे ना।

<><><><><><>

Accident

पुंछ जिले दी मंडी तहसील च पेश आए दे इक सड़क हादसे च 4 फौजिएं दे घायल होने दी खबर ऐ। अधिकारिक जानकारी मुजब मंडी तहसील दे साब्जियां इलाके दे गंताऽ मोड़ कश इक गड्डी जेदे च एहू लोक सोआर हे, सड़कै परा रूलकी गई। घायल सैनिकें च इक अधिकारी बी शामिल ऐ। हादसे दे तुरत मगरा घायलें गी इलाज लेई नेडे दे अस्पताल पुजाया गेआ। तोआई, 'राजौरी जिले दे कोटरंका इलाके च पंजनारा थाहर इक गड्डी दे हादसे दा शकार होई जाने कारण त्रै जनें जखमी होई गे। एहू दवै गड्डियां सड़कै परा रूलकिए हेठ नाले च जाई पेइयां। घायलें गी सरकारी मेडिकल कालेज राजौरी च दाखल कराया गेदा ऐ।

<><><><><><>

IMD

मौसम विभाग नै हिमाचल प्रदेश, राजस्थान ते पंजाब च अज्ज सीत लैह दे आसार दस्से ना। उत्तर प्रदेश, ओडिशा, असम, मेघालय, नागालैंड, मणिपुर, मिजोरम ते त्रिपुरा च अगले दऊं दिनें तगर बडले ते रातीं लै घनी धुंध पौने दी संभावना ऐ। जिसलै जे अगले हफ्ते पच्छमी हिमालय दे किश इलाकें च बरखा दे कन्नोकन्नी बर्फबारी दे बी इमकान दस्से गे ना।



Forest Fire Poonch

पुंछ जिले दे मेंढर आहले जांगली इलाके च कब्ज़ा रेखा दे नेडे कल अग्ग लग्गी गई जेह्दे पर काबू पाने आस्तै तुरत प्रतिक्रिया आहली इक टीम उत्थे भेजी गई। ध्यानजोग ऐ जे खित्ते च पिच्छले काफी समें थमां सोक्के ज्नेय हालात बने दे न जिस करी जंगली इलाकें च अग्ग लग्गने दिएं घटनाएं च बाद्दा दर्ज कीता जा करदा ऐ। सरबंधत अधिकारिएं हालात उप्पर नेडमी तक्क रक्खी दी ऐ ते इस चाल्ली दिएं घटनाएं गी रोकने लेई एहतियाती गैहीं पुट्टियां जा करदिआं न।

